

Broj: 03-04-307-2/21  
Sarajevo, 12.03.2021.godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 15-03-2021

Org. jed.	Broj	Priloga	Vrijednost
C5/2	-02-	74	21

**PARLAMENT FEDERACIJE BOSNE I HERCEGOVINE**

**Dom naroda**

n/p gosp. Slađanu Iliću, izaslaniku  
n/p gosp. Izmiru Hadživdoviću, tajniku

Predmet: Odgovor na izaslaničko pitanje

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10 i 39/20), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine (“Službene novine Federacije BiH”, br: 27/03, 21/09 i 24/20), u pravitku Vam dostavljam akt Federalnog ministarstva rada i socijalne politike, broj: 05-02/2-691/21 ED od 10. ožujka 2021. godine, koji sadrži odgovor na izaslaničko pitanje, koje je postavio izaslanik Slađan Ilić.

S poštovanjem,

**TAJNIK VLADE**  
mr. sc. Edita Kalajdžić

Privitak: kao u tekstu

Broj: 05-02/2-691/21 ED  
Sarajevo, 10.03.2021. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**V L A D A**  
n/r g. Edita Kalajdžić, sekretar

BOSNA I HERCEGOVINA  
FEDERACIJA BOSNE I HERCEGOVINE

PRILAZNO:	11.3.2021.
Broj prijave	
Klasifikacija	
Broj odluke	
03-04-307-2/2021	2021

**Predmet:** Odgovor na delegatsko pitanje, dostavlja se  
**Veza:** Vaš akt broj: 03-04-307-2/2021 od 02.03.2021. godine

U vezi sa delegatskim pitanjem, koje je delegat g. Slađan Ilić postavio na 9. sjednici Doma naroda Parlamenta Federacije Bosne i Hercegovine, održanoj 18.02.2021. godine, imajući u vidu da je Federalno ministarstvo pravde predlagač i obrađivač Zakona o zaštiti od nasilja u porodici, dajemo slijedeće odgovor iz okvira nadležnosti ovog ministarstva, na pitanja kako slijede :

1. Koliko je sredstava Federacija BiH izdvojila za namjenu finansiranja sigurnih kuća u 2020. godini uzimajući u obzir i činjenicu o značajnom porastu nasilja u porodici?

Po pitanju finansijske podrške sigurnim kućama koje djeluju u okviru pet udruženja koje pružaju smještaj žrtvama nasilja u porodici u FBiH, informiramo Vas da je Federalno ministarstvo rada i socijalne politike kroz Transfer neprofitnim organizacijama – Provedba Zakona o zaštiti od nasilja u porodici obezbijedilo sredstva za smještaj žrtava nasilja u sigurnu kuću u iznosu od 250.000,00 KM. Također, podrška sigurnim kućama obezbijedena je i kroz Javni poziv za sufinansiranje projekata i programa iz sredstava dijela prihoda ostvarenih u Budžetu Federacije BiH po osnovu naknada za priređivanje igara na sreću. Na navedeni Javni poziv prijavile su se tri sigurne kuće kojima su sredstva dodjeljena u 2020. godini u ukupnom iznosu od 48.405,77 KM. Ukupan iznos obezbijedenih sredstava po naprijed navedenim transferima Ministarstvo je dodijelilo u slijedećim iznosima:

Rb.	Naziv sigurne kuće	Dodijeljeni izos iz Tekućeg transfera	Dodijeljeni iznos iz Transfera po osnovu igara na sreću	Napomena
1.	Udruženje „Žene sa Une“ Bihać;	52.691,57	0,00	Nije aplicirala za sredstva od igara za sreću
2.	Udruženje građana „Vive žene“ Tuzla	48.083,27	14.978,88	-
3.	Udruženje „Medica“ Zenica	60.264,53	18.518,45	-
4.	Fondacija lokalne demokratije Sarajevo	54.024,15	14.908,44	-
5.	Udruženje „Žena BiH“ Mostar	34.789,63	0,00	Nije aplicirala za sredstva od igara za sreću
	UKUPNO:	249.853,15	48.405,77	/

1. Koliko sredstava je planirano za finansiranje sigurnih kuća u 2021. godini

Budžetom Federacije BiH za 2021. godinu Federalnom ministarstvu rada i socijalne politike kroz Transfer neprofitnim organizacijama – Provedba Zakona o zaštiti od nasilja u porodici odobren je iznos od 250.000,00 KM, te je planirano da na isti način putem Javnog poziva raspoloživa sredstva budu dodjeljena sigurnim kućama koje pružaju smještaj žrtvama nasilja u porodici u 2021. godini.

Kada su u pitanju sredstva koja se dodjeljuju sigurnim kućama i kroz Javni poziv za sufinansiranje projekta i programa iz sredstava dijela prihoda ostvarenih u Budžetu Federacije BiH po osnovu naknada za priređivanje igara na sreću, iznos sredstava ovisi o ostvarenoj dobiti u Budžetu Federacije Bosne i Hercegovine u 2020. godini. Raspodjela dijela prihoda ostvarenih po osnovu naknada za priređivanje igara na sreću koja budu odobrena za finansiranje progarama i projekata koji se odnose na „smještaj i utočište žrtvama torture i nasilja“ bit će dodjeljena na isti način kao i u 2020. godini putem javnog poziva.

2. U kojoj je fazi donošenje revidiranog tj. novog Zakona o zaštiti od nasilja u porodici koji bi na bolji i prihvatljiviji način definisao osnivače sigurnih kuća?

Prije svega, potrebne izmjene i dopune Zakona o zaštiti od nasilja u porodici su nadležnosti je Federalnog ministarstva pravde, koje je obrađivač i predlagač ovog zakona.

Što se tiče podzakonskog akta o kriterijima i standardima za osnivanje i rad sigurnih kuća u Federaciji BiH, čije je donošenje propisano članom 35. stav 3. Zakona o zaštiti od nasilja u porodici („Službene novine FBiH“, 20/13), isti nije mogao biti donesen od strane federalnog ministra rada i socijalne politike zbog nedorečenih odredbi člana 35. Zakona, odnosno nepostojanja jasnog pravnog osnova za donošenje istog. S tim u vezi, Federalno ministarstvo rada i socijalne politike dostavilo je Vladi Federacije BiH Informaciju o nemogućnosti donošenja podzakonskog akta, koju je, na 147. sjednici održanoj 08.01.2015. godine prihvatila i donijela Zaključak kojim se Federalno ministarstvo pravde zadužuje da otkloni pravne prepreke i jasno definiše odredbe člana 35. Zakona.

Naime, u Informaciji ovog Ministarstva, između ostalog, navedeni su razlozi o nemogućnosti donošenja podzakonskog akta zbog nejasno definisane odredbe člana 35. Zakona, kojom je propisano da „*sigurnu kuću može osnovati pravno ili fizičko lice u skladu sa zakonom*“. Kako navedena odredba zakona ne definiše jasan pravni osnov na osnovu kog zakona se može osnovati sigurna kuća, odnosno decidno se ne navodi puni naziv zakona, sporno je ujedno bilo i donošenje podzakonskog akta kao i nadležnost za donošenje istog.

Imajući u vidu pravne prepreke za donošenje propisa, kao i Zaključak Vlade FBiH, ovo ministarstvo je Federalnom ministarstvu pravde dostavilo prijedlog za izmjenu i dopunu člana 35. Zakona. Cilj prijedloga upravo jeste prevazilaženje postojećih nedorečenosti odredbi zakona, uz jasno navođenje punog naziva zakona na osnovu kog se osniva sigurna kuća i kojim će se ujedno otkloniti i pitanje nadležnosti za donošenje propisa, kao i način obezbjeđenja finansijskih sredstava za privremeno zbrinjavanje žrtava nasilja u sigurnoj kući u Budžetu FBiH i budžetima kantona, nadzor nad stručnim radom, registrom sigurnih kuća i dr. Ovo iz razloga što federalni ministar rada i socijalne politike može donositi podzakonske akte na osnovu propisa iz oblasti socijalne zaštite, odnosno ima nadležnost samo nad ustanovama socijalne zaštite koje se osnivaju u skladu sa Zakonom o ustanovama R BiH („Službeni list RBiH“, broj: 6/92, 8/93 i 13/94). U tom smislu dato je i pojašnjenje, koje se prije svega odnosi na nadležnost ovog ministarstva, u kome se navodi da ovo ministarstvo može biti nosilac donošenja propisa samo u slučaju ako se izmjenama i dopunama člana 35.

Zakona jasno definira da se sigurne kuće osnivaju kao ustanove socijalne zaštite na osnovu Zakona o ustanovama („Službeni list RBiH“, br. 6/92, 8/93 i 13/94).

Međutim, prema nezvaničnim informacijama potrebne izmjene i dopune zakona su još uvijek u parlamentarnoj proceduri, te tek po donošenju istih moći će se pristupiti provedbi člana 35. Zakona u skladu s nadležnostima ovog ministarstva.

S poštovanjem,



**Dostavljeno:**

- Naslovu
- Sektor za socijalnu zaštitu i zaštitu porodice i djece